

幼
學
堂
詩
稿

幼學堂詩稿

丁巳秋起
至戊午春

吳縣 沈欽韓 文起

無題

漢苑憐人柳，終朝暝迤多。
恨長河滿曲，情薄懊儂歌。
玉虎塵生枕，金魚淚逐梭。
拈花還解語，莫復負孫陀。

紅袖羞猶障，青衣笑共迎。
夕陽開夜合，清露浥宵明。
細語猶含麝，輕肌尙點瓊。
背釭如遠近，泥煞喚卿卿。

翡翠懸鉤近，螭螭釘帖疎。
杏花迷隔苑，柳絮點輕裾。
瀉玉傳浮蟻，投瓊返撿魚。
生天成眷屬，小劫共佺佺。

點翠裁紅意，堪憐岐路陰。
避風擎甲乙，懷月卜辛壬。
楚館

空瑤夢燕臺悵柳吟愁心千萬疊尺素堪珍禽

鳳脰熒熒閨鰕額冉冉明烟花三月夢風雨三陵聲珠澤
鬬騶遠搖山歌管清武夷重下世誰辨耳孫名

瑤琨牀邊倚芙蓉鏡裏看裊長銀瑟瑟要細玉珊珊斗近
支機石風低承露盤兩心徒脈脈無路躡飛鸞

小疊蠻牋字遙深玉嫵思負心同黑子薄命比紅兒帳煖
歸郎日香薰韓掾時風前應綽約垂柳亂如絲

題葉紉紉愁言葉小鸞返生香集

并序

宋家五女聯金屋之輝劉氏三妹播玉臺之詠珊瑚研
匣巧裁題扇之辭翡翠筆牀妙寫簪花之格迴風吹絮

封胡遏遜此珠蘭膩粉銷香光威哀慙其錦字左思掌
上之嬌楊炯粧前之秀一家文采墨飛黃絹之詞絕代
風流紙貴烏絲之製玉軸開函摻摻芳澤錦囊擲管嫋
嫋柔情搔首天高固知有恨含顰曾去豈獨無愁好句
斷腸似有薛媛之怨謫仙攜手未諧張碩之歡紫泥海
內侶散死灰無葉堂中形迷蝴蝶雕含編貝未吞絳雪
之丹竊望紗帷難覓玄州之草梨花寂寂月弔芳魂桂
樹團團風飄羽帔白家傷紫石之文謝女悼落花之夜
紅顏渺矣青鐙黯然觀雲觀香已受飛昇至道萱支松
支猶能宛轉清歌因紅紅之記曲

小婢紅于亦聰慧芳
雪軒疎香閣遺集半

其所記憶

撥拾者也感簡簡而抽豪又況表綫旗亭世購遺芳之

集淵綃鏡屢人藏漱玉之辭葯華芷秀馳情於遠水寒
星蕙冶蘭馨結慨於殘山賸水謝幼槃之紗障記事有
珠陳述古之畫屏摘辭作錦固吾家之甥舅盛當日之
潘楊乎玉帶袍遺誌雙清於右墨紫霞帔遠記一曲于
山香云爾

亡國悽然哀怨聲恨長情重奈娉婷傷心汾水湖邊路芳
草年來不忍青

天使文章殿一朝王風板蕩黯魂消絕憐水部鍾情甚夢
斷花宮月下簫

莫愁曲爲華二賦并序

姬吳人相遇里巷中委禽焉旣歸婉孌嫻順旣舉男矣
偶從市上見畫幅絕類室中人喜而攜歸數歲其子殤
姬亦蕉萃無復往日意態戊午歲相遇於瓢城官舍舉
酒勸予乞詩以記遂賦此篇

長洲芳草裊要綠青驄油壁人如玉亭亭秋水隔迴塘柳
外鳴鞭笑相逐刻銀作槃玉作盃陌上花開期綬綬智瓊
珠薄幾時來歲綻深鎖春光晚掩扇嬌鶯囀謝娘隔牆戲
蜨趁王昌一船雨樂憐儂意白石青松持比郎佳期幸致
黃衫客七寶羃離歌十索海邊添鼎購明珠山上耕煙種

和璧少年夫聳擅風流每笑人間許散愁玉體橫陳看約
腕紫檀重撥識歸舟迦陵共命看銜羽小別無端怨紅雨
臉波春映玉娘湖睂月晚生神女浦風塵駐眼遇丹青真
真紙上綳乳嬰幾許笑嚔當奉袖無雙才調定傾城持比
崔徽風兒似遠遊更憶長兒子阿侯仿佛鏡中人睂若春
山眼秋水鏡中紙上兩相猜果是前身倩女來薛媛嫠寫
空閨怨遠向濠梁寄楚材覲面非疎驚一顧重重綳涕香
雲護芳草多情趁馬蹏曇花偶現含豪素潯几名香不染
塵相依畧比夢魂真桃笙獨擁華鐙暗欲語溫存帳裏舊
紅粉樓頭銜石闕有人千里共明月豈知換影卽卿卿宜

愛宜親步羅襪客歸重唱小楊枝笑解行囊贈所思披圖
自對菱花鏡卻訝何從識畫師宛轉迴翔看不足橫波雙
注烏銅潤春睡初回稍覺殊芙蓉一綫添紅印綠意紅情
證合歡嬌兒提袞喜同輸金錯自穿長命縷玉魚應佩卻
邪九絡秀阿奴知共老庭階爭發宜男艸長生有疾頓纏
綿蒼舒邊恨難祈禱秦女猶從畫裏疑唐兒已歎剏前非
難忘下九并初七卽是攀花庭戲肯河中之水東流疾蕙
冶蘭馨奉麗日騷人惆悵木蘭舟萬斛閒愁題綵筆我亦
多情在細君別來堂上泣羅裙嘒粧未倩生綃寫孤館梨
花伴宿雲箇人邂逅東風面親斂雲璈來法眷懷中明月

掌中珠瑤島生憎墜花片愛子知君目斷竟橫塘遙指莫
愁邨還將拾翠春郊意細雨簷花共討論

十五夜醉後與錢大對月有懷

今夕是何夕迢遙隔千里醉眼向天涯愁心訴知己高堂
燈燭紅促座躡韞履酒肉欲腐腸絲竹迭轟耳疆醉不成
歡秋氣變清徵錦棚作影戲巧幻樓閣似繁星碎虛空火
龍一掉尾迴看素魄斜空庭冷如水蝦蟇垂遠林萬丈光
驚擬寒蟲切切號白楊悲風迫聊增淒怨心細語如山鬼
同憐濩落人相好形益昵誓將結弟兄爲羣強拜紀風月
雖可談萍蓬何所止欲歸復愁歸空囊頻瞪視阿買君尙

無阿龜我稍喜少年狡獪多緣情在綺靡中歲閱悲歡家
累難脫屣何如繡佛前常陪傳大士智慧不唐捐十種現
彈指君聽一破顏行當爲貧仕但看烏鵲飛遶樹不能已
况乃負精氣勞生亦常理挑燈復聯牀展轉曙窗紙杪秋
促會期長嘯一飄駛勤來就阿戎惜別顧短晷

柳絮次女郎潘玉韵四首

惆悵三生杜牧之東風狼戾已多時長條我亦憐情種細
豔春將奈鬢絲白石仙郎征騎急青谿小妹下江遲千三
百里隋隄路化作離魂點點吹

冒簾拂袖亦迷漫蛺蝶園看作團茂苑春光塵十里遼

陽午夢日三竿袂衣香褪銀鐲碾膩粉粧殘珠淚彈此後
青青猶在否燕臺獨詠鎮凭闌

如煙如縷脫柔條那待三秋感采蕭白髮黃雞催急管曉
風殘月送歸潮永豐坊底隨萱盡西渭橋頭逐水漂淪落
从教悲范縝顛狂休更試參寥

含情旖旎絆芳年作態胡旋媚遠天一桁姓猶卷蛛網百
堀春盡簇蠶絲青絲馬尾拋官道白雪鵝毛糝筵无限
詎誦留不得池塘細雨滿寒煙

示人作

牖中見日稍鑽研試鑿空潭潭良天有恨雲山供悵望綠

情文字帶芳鮮夢如飛絮都亡著思比春蠶只自纏苦覺
心神辭李廣河車灌腦莫遷延

蒸砂作飯諒難酬豪氣悲情未肯休聊借登伽消綺語不
歸兜率總閒愁乞君汗漫飛霞佩笑我掀翻黃鶴樓那得
讀書亡百卷欲隨雙鳥作啁啾

秋冬雜詩

玩月不抵愁愁來猶對月連宵月漸虧相憐益愁絕茱萸
委清霜刁調吹短髮蟲老聲加麤攪撇使心憎似將九迴
腸作此兩股切點點皆蕭寥眴眴迷鬱結淮水與吳山魂
飛不可越清影入高樓倏隨明鏡滅遠遊已非計那更迟

追拙捷足異夸父寸步亦僵蹶要鑱刈荏蘭餘香猶荔悖
英雄黃土埋明月浮雲沒齋前白楊樹浩歌隨窸窣

秋氣不關人詩情已先覺霜露現豪端寸心蒙摧剝韶華
騁係馬結思緬青鶴流喝渺遺蛻能骨破殼空林謾延
倚塊獨擁鼠璞相看亂葉飛不似楊花撲念茲坎壈人紅
顏難保渥執筆解製詩不若快羽架走馬擊賊回華堂開
寶幄妖姬列金釵狎客張廣樂自當以樂死胡爲憂生數
却浙杭米飯俗態稍稍學安得萬頃波塵泥一洗濯

遠峯看鬱鬱縹青繁林表名與紫烟遊花落漁舟繞美人
目曾波巖洞正春曉犖嶭瀉丹泉嶂巒舞風篠瓊芳結緹

佩慕予譖窮寢短石牀寒缺月流黃皎悵然覺微馨庭
榻倒挂鳥感此積懣懣坐愁良會少囊中弄金環小昔猶
了了財爭庚市子訟決下里微齷齪當我前柰此雙眸瞭
形骸鬱卷苦情悰闌嶠擾太公返天壇呼龍種瑤草

檐雨碎客癯風櫺透曉涼孤枕肯自警高秋思故鄉難將
持戒鉤并除煩惱腸此人恒歎息塵泥手繩牀一假不平
氣詩句生寒芒態抒丈夫勇情迴兒女長無奈遣禪理兒
痺神未傷小坐自押褰佛屋去燒香猶疑青瑣隙曼陀現
笑將胎膜寓幻形周旋久相忘遂極歡嗔相寸寸挽弓彊
惟我生慧地猶將小劫償自苦延汲汲悲悟終偃偃行齋

三千錢襖被整歸囊

濕雲壓城頭虛堂無連袵水天蜃氣中漁舟漾淦淦鑿坏
眼打睨負鴈膚噤痒江介悲風來放愁不可禁登高寄所
思密緒無來諗羲和媿予意葵藿空望暉故將蘊結心芒
矐化慘慄榻榻塵垢間接豕相泥飲自憐商邛開造門遭
挨枕有如陽春脚飛絮顛狂甚豈知沍寒地一點孤芳品
造化爲我坏取舍當自審片時開口笑修夜貼席寢卽此
事已足虛名如拾瀋

荒園三四晦檐陰倚堂密紅皺與黃團彭亨駢大實未莫
衰蔓歸老圃歲功畢廣輪滯纖垠清霜嚴斧鑕枳梧葉蕭

蕭索帶不能供寒蛩已移吟牀下
昔唧唧風威倚海雄雲
顏不見日偶然轉西廊
恇怯沒復出低頭對方丈
誰問維摩疾舊業嬾開
視塵土封不律縵縵束
長竿形骸若茅桎賞心
猶有望黃花近佳下笑
謂陶元亮生涯付種秫
最憶故山中對酒剖香
橘

水落燒畬園石磴聲轟
輶江皋地早寒鳴鏡爭
迤堡繞城無遠山益覺
天地闊叮嚀長稻孫作
態涓涓涓涓黃雀掩羅
家驚飛脫箭簪莽莽伏
長隄碌礌苔蘚澣似聞
河流聲飛湍挂木末今
年決白馬老蛟怒騰沫
宰官奔負薪萬杵如山
拔彈丸當下流後患宜
堵遏常時遭淫雨魚鼈
驕旱魃

卒自遇秋成醉人路喧聒勤思陽鱗戒操刀在蕭割

酒力冷孤篷亂魂落曉艣微霜吹萑萑驚雁迤沙渚城隅

不可望良友渺何許恩恩赴祖餞戚戚懷賓主初月澹廣

除是子攜手處菊花已可把醉插滿頭去更復移清尊銅

鑲破朱戶宿醒雖未消殷勤爲數舉况是拜母交相看無

爾汝乖離在斯須歡咲當千古紅袖愁來肩明霞橫睂宇

幸索十分酣耐此半宵苦朝來兀坐閒展轉逼愁緒

主人餞別

後錢大素囿華三服三邀集
如兒妝閣三鼓後盡醉而罷

兩岸聞馱聲喜離陸間日分水急長淮散花現香自秋雲

臥梁欒午日懸窗牖蕪城十萬家炊烟薄半斗繁華自昔

然戰伐悲多有高駢是何人偃蹇爲旣首行密與知誥
追瓜分割空聞井蛙鳴已見城狐鼠宦遊自不惡雅詠
歐九翠岫遶闌干紅顏映綬綬余酸寒士頗亦耽詩酒
恩恩發峭颿露節招尋偶芳草滿雷塘天地情長久何處
弔香魂相看折衰柳歌吹竹籥迴盡舫一回首擷紛整新
鬟抹勾舞坐手笑指繡江天瓜步林煙逗

睨眼眩山光中流放舫舳虹末浪紋平北來看飛渡正逢
重九卽登高堪作賦金焦門濃淡天水澄鮮處淮南數小
州了了青濛圉回首覽中邕孤高一披露誰開萬古劫鑄
此六州錯悲風掠髣髴驚濤失沈痼日色吞豪豬林煙沐

孤鶩況是抹輕霜丹楓如畫數惜哉去不停賞心渺難遇
想見眺城樓指點雲中樹有客推孤篷聳肩正覩句扁舟
無與歡一酌弘農墓

茶煙淡日午欵乃時扣舷到家僅百里惠山早在前風聲
戰兩岸荻花颺清漣秋氣爲木囚胼冒物競堅夙慕懸弧
矢快覽名山川夫子試守客枳棘投窮偏愁城持詩械起
舞不得旋何關丈夫氣有淚衣裳漣遐觀五嶽遊如隔蓬
瀛仙五噫應悲我如歌欲問天且自對孺人廳麥守一編
得歸真自好寧患囊無錢

酹酒檢行囊添薪仰落葉柴門可張羅劉杜已欵接崔嵬

千卷書窺戶足難躡胡乃爲人疎孤高氣已懾但尋陽五
伴吟詠志良狎客非折簡來辭源紛滿頰麴生更不凡風
味多凌躡欣當湖海豪有似朱家俠千載尚論高一室賞
心愜顧視纖小兒態同驚蛺蝶斯人獨憂飢涂道乞米帖
裒病顧清時汀渚困髻鬣惜哉未學劒短衣隨射獵

曼倩伏海濱開闔傾羣掾仲容販鐵官詣曹求小縣處執
雖孤寒知人猶論薦袒褐懷瑾瑜俶詭可自衒長嘯倚隴
頭高吟攬海甸騰蛇乘霧遊鴻鵠攬風旋一朝致丹青八
方馳雷電廝養盡雄才簪裾盡英彥忽聞鼙鼓音追鋒賜
乘傳揚威南蠻柱旋凱天山箭白旛勞五營赤符攸三殿

卷三
一
荅頭上朝謁黃門送厨膳蹀躞鳴金鞭側目人皆羨顧視
老經師方筍應障面命如劉峻窮肯柰桓譚遣終身爲悲
人形摩神猶斂

野風拔枯桑檐隙跳丸動葢茅蝕霜零寒壓布衾重烏雀
亦已臬塊獨孤枕擁新婦起理妝甌瓶窺多恐毬杖難易
酒市價值屢踊卒从葱肆歸項轡豈能奉櫟釜免生塵稚
幼歡接踵何似中書堂傳餐大官寵豈有食殘魚汁奧隨
盜夢心事未拏雲一飽常懷悚小兒噉豬腸器量誠闊綽
羽檄方星馳內郡頻發軔迹射急奔命漱飲牛馬湏而我
守齋閣設經孫張竦不思冠軍鋒散木空擁腫

黃花執欲落清觴未滿酌佳人不能忘
桐君想寥廓牆東有數枝離披弓跗
萼情與蜂蝶捐命共芙蓉薄可憐低昂
態相看尅索莫縱然寄短籬跼蹙爲囚
縛三徑不早治主人意殊略初夏寓射
陽隰地十弓擴修修漸扶竿籠籠交映
幕枝葉手自理步遶常踴躍準擬醉花
陰霜月橫暝卻窺顏染青要碎金鑄鑑
橐歸心墮南山秋水淼寒郭四海有霜
鬢浮梁瀉大杓而我倚西風陋巷無盟
約折枝入軍持落英供細嚼

亭亭日馭戾汶汶天路遠漸如火炬滅
眼光十里斷溷濁惡早寒瞿瞿指蔭短
晚風揪枯葉吹聲細葭瑄中廬少屈

人薺麥茂町疇羣鴨沿流迴唼喋意多嬾山家直竄煙久
逐孤雲散入棹跳促鮮黏藕墜驚卵老農似有待支頤了
無伴落霞爾馨明我亦歸緩緩忘機得參寥解徽任疎誕
聊將寒士心大塊吐情欸廁神不可問槁項裏瘡瘡休糧
法無傳接氣望胃腕耶思饋五經一酌杜煩懣

入門景翳翳前榮迹如洗早蕪開甕香頗啜兩弓米挾策
隱曲橈攜鐙傍明蠹羣碎難爲同嚮晦稍予破肝肺多槎
牙皮毛少根柢一窺古所難轉壁振清泚少援肯藟譽加
修益巧詆千載至愚人褻刺乃有補皓月自多情夜深度
欄底冷巷犬頻驚虛窗鼠暗抵秋霜摧老物鏘若鑢投陞

苦吟夢未安細書日常昧外顧形蕭兀內省才疲闢誓墓
何待年延闔當以禮寧能隨計吏空滯長安邸

初月出房龔青天爪可破丹丹呼雲端延視花陰慄寒威
歛眉爨秀色聳倭媚隱現芙蓉幢迴撓薄塵堞湛然對此
心潛靈敢涕唾誰將玉臂支上謁元都佐璫璫曲尻臀輕
垢遭摧挫幽夢託元衣手捫瓊戶臥蠹櫺戛瑤林香雨頭
風過三山如豆登仙豕繫箇箇又見西王母髮垂腰背爰
北斗空瀾漫注籍不辭情南箕燦以習張舌秕糠簸婢婢
攀嵒嶮跂跂尋坎圻癡若被凍蠅拍肩眇唱和流離歎牛
車辛苦悲馬磨煎鬻藜莧腸文字屈奇貨

風色吹陽燄遙嵐蒙淺碧霜林葉已乾絳繚響幽屐窮男
袂龍尾坡坳捫鶴脊巖路不覺深馳目皆創獲石氣逼人
寒松聲走厓塋層巒工餽飮膚寸滃雲液古琴送流泉午
鐘散廣陌結佩玉芝香拾翠金錢迹沈思喜獨往幽抱憐
同適相期訪薜蘿相待遊山澤多戶觀我生據梧求所益
好山青眼主佳士黃塵客一行作吏時自覺形骸隔張譏
傳後事詩篇欸疇昔寫本幸見貽共証烟霞癖

與朱青澹
褚樵亭登

作
礪山

蕭介工揮毫臧盾誦舉觥韓也言不作頗實兼其名親故
多解意片脯木爰盛穀巾葛帔至設笑座每傾人言讀離

騷佳器醞釀成又言下漢書銀鏹填匄平我但據地祝陸
沈邈世情丈室驅六鑿寸園伐三彭渺觀百蠢蚋擾擾聚
餅罌常令何諷渴夢中訴仙靈沴寒已數日水伏僵長鱣
蒙淞結霧氣洛澤敲冰聲閉門歌慷慨凍骨相枝檜豈料
丈人行提壺爲延明肝脾吹生色斗覺凍黎窺麈尾欲齧
指蔗杖能舉兵酒多益融洩語若春禽鳴迴思作客時蹇
拙無逢迎高門增感愧冥報襄微誠

偉哉觀造化以予爲提休小才稍假借奇數終窮愁推書
撲筆歎愁若肝腸摺尋思至此極桑戶非無由不知今異
古跼蹐成詩囚射編當弩末浙米注矛頭遜人好門戶玩

物孰清修胡人騎駒駉越人乘幹舟情性隨所習學術難
同謀如平長貧賤天道良悠悠古賢雖遷謫知命可優游
亞聖卽患貧簞瓢又何求我能遣此否身名兩未酬偃偃
對室人掩口懷慚羞汝言倘復佳對案商聲謳

臘月八日汎舟光福二首

一曲方輪轉青山夾斥移

圓覺經舟行岸移

雉媒原兀兀魚媿瀟

嘶嘶淺渚穿蘆筍荒村抱豆萁殘年攜不借舊色預探支
缸面浮蛆熟槎頭縮項鮮一鈴風自語雙崦晝難傳波遠
疑無地山深別有天醉尋籬落下冷蕊故嫣然

送朱青潛歸鹿城度歲卽北上惜別言懷斐然之作

六十韻

律換灰飛珥人歸雪入簾倚門應有望聽鏡豈亾占寂寞
余裏歉蹉跎子意淹朔風慘鷺巢滄浦斷喁噉小徑三三
舊餘冬九九嚴割氊夸故薦完袴奔餘縑擁几清塵拂圍
鑪宿火欹藥船酥酒瀉桐甌鬻餠黏壤厲涂蓬戶宜春帖
畫檐照田謹婦子餽歲盛間閭勢比門神屈貧惟竈鬼詹
相看棄芻狗何事捉銀蟾摒擋生涯掘吟哦結習忼芳年
輕赴壑殘月尚磨鎌百里詩城敵三升食料兼相思偏自
切結契最無嫌片石堪攜座雙金欲佩褱精勤推李鉉穎
異識陶謙趑趑來江派崆峒望海尖謾開旗鼓埒只束旂

扛潛博士身堪代經生口輒拊褚裒名尚晦朱异性肥廉
被褐俱裹玉橫經共下籤筆操鸚鵡疾劒拭鵝鵝銛遇我
形骸合憑人謗議僉龍頭遮莫遜鵠毳匹如添幸解瓊枝
渴渾輪崖蜜甜遊遨亾俗物摩厲藉仁礪理窟誰深入偏
師莫盡殲雜連聲繼喝強對義先拈握槊魚還擒翻波俎
重燄庾持奇字問江總側篇擣紆竹蒙揮壁胡圖看覆奩
予春談手觸與可墨君覩遠別心情惡離居道義陪浣衣
祇辦故櫟金肯因炎握齷無青眼魁奇笑紫髯畫胡縻自
給伐藥露猶霑奇璞天刑抱寒膠風力濺制科磨研弊策
目削豪纖千駟輕劉晝雙闌愧杜暹人情窺穴鼠吾道上

竿鮎白馬馳雷電黃麀困米鹽从橫布龜策長短撰韜鈴
騎馬登黃閣迴驢避絳幘且當深醞釀休更苦鍼砭殘臘
三餘暇新春百蟄漸玉峰姓朗朗香水翠湑湑紫陌連錢
埒紅樓絡索宿幽花風澹迤芳草雨靈靄露晏尋藤塢浮
梅泛下崦山家寒萼破貧舍凍壑醺太學長裾曳鴻都俠
轂瞻王符應倒屣鬼谷莫飛箝贈策言何極先鞭意自慙
我歸逾惘惘子去益髣髴結綬多於鯽呈身漫倚蒹天高
蟻蝨小世濁卽且屢蒿目空花滅蓬心焦穀爓低頭揅東
塾願得比鵜鷃

爲汪剛身悼亡五首

昔汪在
歸惠府

明駝千里寄寒衣
炊白何知破鏡飛
孤客梁園三尺雪
可憐猶夢舊死機

薄雲如夢雨如塵
未得招魂金縷裙
草長江南愁極目
梨花月閣細君墳

東苑芳菲蜨作團
玉槃刻鏤怨雙鸞
華堂燕子春愁誦
不見題詩郭紹蘭

玉郎仙籍始青天
莫使稠桑妙子傳
記取東方年命合
金環萬一印前緣

常同劉杜詣高齋
每聽評量說最佳
不獨傷心是元九
何人沽酒拔金釵

十八日立春夜讀禪經佇月戲贈內

紙帳聊烘黑太陽
欠輪漸涌白豪光
長年難得恒春客
歲真如厄閨楊喜出土牛迴氣母散將芻狗問心王客塵
煩嬌何由遣隱語還傳波若湯

呵手宜春帖畫堂
辦將齋黍祀蠶娘
江梅村柳都含態
彩勝銀幡未助妝
每揖聖賢開酒務
休嗤奴婢訊茶綱
靜中禪悅居方丈
莫信河魁不在房

除夕料檢所屬文筆以茗果祀之遙酌古人自澆餽
鏗作詩三首

矣誇短李與适辛
自覺詩豪筆有神
骨髓真傳還我輩
心

肝苦語對他人酣歌慣欲來馮吉名器何由得
卞彬二十三年猶有愧五經著述未紛綸

用北齊書
李鉉傳事

彭生作賦茶三片毛子傳詩酒半升煩嫵種來如下海聰
明耗盡試觀鐙堪憐丈室惟天女大抵前身是老僧
海山仙洞去飛車不必倩奇肱

裏中碎錦嫌都盡舌底青蓮巧欲抽惜別歸來空軟脚傷
春去後未扶頭思爲門卒當車怯欲作家監養馬羞蠟燭
淚窮雞肋膊明年鄧禹正封侯

題哉山劉念臺先生證人譜

駢肩齎齎相人偶搏土保蟲逐牝牡辛勤七八九六工此

心天地多慙負方領矩步號爲儒枝官一囊滿塵垢正坐
人稿未安排剝膚之痛到元首山陰堂堂孝作忠東林首
善淵源受疏節闊目待蠻夷工夫栖致正自厚五禮五刑
共三千出此入彼君知否白馬山頭因果談證人書院下
學守九品一範期洗腸五朝三黜悲義手黜將錄更翻北
扉完人傳自終南牖偃月舉頭作畜鳴藍面呈身如鬼醜
險入卞彬決錄中臭遺范甌香方後先生邈矣第一流當
日老臣輕敝帚不知何者爲才諳肉譜數名高北斗劉陶
舉旛炎午祭死生契闊真師友唐林王吉忝四科黜鬼簿
中誰不朽

題天發神讖碑

羅陽王去金車晏小兒躍空曳匹練不識富春雲氣銷梨
棗金錢壇下薦揚州四世出掌文大吳萬方夸博箭居然
妖瘳落中原撲鏡不差如此面吳儂莫厭武昌魚一嚮烝
嘗艱百戰阿童削梯千里浮西陵舉火三更徧北斗門下
縛軍師三郎不靈兵入殿石印降書署檢封芝郎青蓋隨
乘傳天畱符命付諸僖司馬家開百六掾臥羊不逐野火
燿挽牛應比畫門便不逋不峻皇休明察書邱蓋推此彥
暨子成名亦偶然幾日能邀穹昊眷繁陽鐫刻何煌煌昔
時貢諛今同賤書生窮薄退琳瑯無愁著壁搜雷電苦爲

老蠹營資糧尚可回碑揭陽羨

題馬氏行庵圖

卷爲汪石潭所得

卷續丹青引行窩是處支苔痕到公石泉脈習家池歛識
雙頭署風流十口思還將青玉案供賦曉寒詩

宿京口

風隙吹眸子三杯酒力消柁樓危吹月沙岸雁呼潮
臯息酣鄰舫樅椎動客寮誰爲謝仁祖高詠正無憀

元旦

窗格梅花界一方熏鑪犀撥尚含香比肩不爲眉難畫
寶鏡貪看大吉羊

四禽言

脫卻布袴大眠姑婦飢蠶苦繰得新絲不上機準納官糧
未滿數官勿怒脫卻布袴

姑惡姑惡田蠶歉收婦無福雞狗細故罾滿屋向來新婦
今爲婆學得聲粗忘卻哭姑惡姑惡持彈逐

行不得哥哥桑陰爆爍朝露多薄寒中體當柰何請看梁
上雙栖燕不羨天邊飛鴈鵝行不得哥哥

郭公郭公春睡惺忪誰喚儂翠睂淥酒搖東風那知柰何
帝且作信天翁郭公郭公

題趙松雪書樂志論冊

良田美宅樂巖阿敗屋寒瓊意若何畢竟仲長無繫志捉
刀人向寄愁多

王孫衣上幽州土坐具難將篤耨熏一櫝孤山最幽處阿
兄此志足凌雲

文選樓懷古二十四韻

在廣陵

東府名賢壁高齋學士寮詩臺猶有魏僧寺合名蕭主鬯
臨三慶颺菁冠六朝英華蓂草拾流別縹囊標落筆迴香
雨開編諷暮潮寶珠金海索翠羽玉臺雕秘冊咀梁苑榮
光被麗譙戴筐歸月旦班劬換商飈副墨拋黃妳輓郎奏
綠腰幾時驚擊柝何處聽吹簫賸有樓頭勝還將殿腳邀

黛濃窗霧闥麝重袂風飄故事蕪城賦前塵鹿子謠十官
麋峻歲百尺燕泥搖書簾璇源討巾箱方絮條選哥從入
夢鼻祖不應桃石廩真懷鳳詞林漫續貂辦香斯土附碎
錦與人消秋瓦瓜牛壯春茸果馬驕西州歌緩緩北顧恨
迢迢翻幸維摩示先從薤露凋燈帷僊蠹老羽箭白師超
其旁有岳忠武王祠禿管呼幽蟄餘霞散絳霄蜜香三萬幅一一鏤
青瑤

江都才媛閭瑾懷貞節詩

幾日簪花格摻摻竟將茶紡軋垂老託紗幘解圍無秋氣
蟾蜍淚春風蛺蝶圖生憎吉羊鏡兩世照人孤

有子授室
旋殞竟筆

備以
老

劉烈女四解

女寶應人所
殉者應氏子

午羈婉變女哭社聲獨苦哭社目不响空巢將安哺陽春

三月雛燕飛郎騎竹馬笑迎女

一解

低頭拜公嫗有口澀如

杜小姑簸錢跳大婢挽衣住誰其憐者公與嫗朝晝睂夜

拈鍼縷陽春三月嬌鶯嘯郎奔竹馬知窺女

二解

繡袂盤龍

鏡羅裙黃竹箱鴛鴦欲飛不成行高秋八九月白露變爲

霜班班者血溼兩當續命不得陳桃湯

三解

煒煒晝燭魂衣

呼乃新婦長跽爲孝女公嫗大憐職不忍金籠更閉汝白

肉已隨黃土腐紅顏肯對青鸞舞淮水舒舒此萬古

四解

幼學堂詩稿卷三終

幼學堂詩稿

戊午春起
至庚申歲

吳縣 沈欽韓 文起

芳儀曲

并序

芳儀者南唐主李景女也金陵破後入汴嫁供奉官孫某孫爲武疆都監沒於遼芳儀爲遼聖宗所得拜芳儀生公主一人晁無咎顏長道俱作長歌以哀之余乃爲廣其意仍曰芳儀曲云爾

江南國勢看日促
峴口青山空極目
黃花水沸急火油
瓦官閣上千人哭
已共原鴿作布衣
傷心降邸賜牽機
金經一卷施喬氏
玉軸千函殉保儀
河西隴右應轉徙
難將恩

寵錢王比李勢妹屈雌聲奴馮弘女作天家婢幸從供奉
殿頭官不與清河公主看新上玉釵驚別燕重圓寶鏡對
迴鸞鍾山回首雲煙滅崢嶸口攜行隨宦轍羅衣綽約裂邊
風鬢朶羸垂飄朔雪朔雪邊風萬里秋黃昏胡騎聲啾啾
夫人城上霜笳苦君子館中風旆愁傳聞六郡良家子自
出三關棄犀兕投鞍幾至困平城駐蹕誰能渡遼水從此
遊兵斥雁門兒家夫婿沒胡塵驚偷驢耳鈔糧路看挂男
頭載婦人屬期聒帳魂驚墮細骨輕軀羸倖馱金屑琵琶
玉面遮不堪重唱家山破七鎮羞持玉鳳凰羊車新入脂
粉囊木葉山頭望漢月回心院裏教胡裘西樓射獵打團

斗璿珞金花貂煥手詐馬筵開元玉漿頭鵝宴奉羔兒酒
敢將顏色比焉支洗淚依然十二時不信斷魂生碧草果
然薄命在蛾眉當年洪都駐禁旅廬山觀內摩厓處曾聞
南嶽比東朝卽見天孫爲帝女家事相傳壞阿兄袈裟膜
拜佛前燈當國只知殺潘佑臨戎真悔信劉澄玉李金魚
成一夢瓊枝璧月臨風慟蜀王一旦化嘯鵲秦女幾時翔
彩鳳赤罽輶車莫復論拂廬蕃語乍承恩畱將突厥屏風
句畧比崇徽手爪痕由來萬事反乎覆但美文姬百鍊贖
江南千里本無家謾把鄉心寄黃鵠記得小樓吹玉笙落
花流水若爲情休將譚子胡琴調偷入霓裳疊拍聲

題謝舉羽西臺慟哭記

步兵死千載空山無哭聲不知文丞相終作顏杲卿乃令
沙社老一撫唐衢膺不悲柴市日畢志歐刀刑念其破家
後灑涕勤王兵囚服鎮江館丐食廣陵城慨出百死志
欲同程嬰厓山一覆敗無異長平坑慘慘七歌關四望穹
廬平何勞太學祭不求承旨生零丁禍州洋復有蒲壽庚
可憐柰何帝月落號冬青銅人辭漢闕石馬僵昭陵迴思
乞兒物空悲問饒形紆干白翎雀飛去生處鳴黑河秋雨
引嘈嘈斜喝管持此訴天地淚如疾河傾浮雲從南來飄
忽隨奔霆幽篁觸劍戟慟恍神物憑我我富春山渺渺桐

江清洲洲靈鼓發鬱鬱樓林冥江南乾滯土魂魄樂且寧
青春旣殂謝將使蛟龍迎

閨意二首

六扇屏山春夢遶梅花落盡無人掃
晃眼朝光嬾畫眉鏡臺飛上收香鳥

斜拋鉅鈎仰鸞篋夜雨濛濛鐙火迷
戲罷擊蒙金葉格綠窗又報汝南雞

清明日同褚通經遊畢尚書山館

垂楊翦翦染新煙波影嵐光兩自妍
礪戶無人山鳥寂石梁一道落寒泉

流蘇白馬廐公歸山鬼含情薜荔衣
畱得故家閒草木四時仕宦鬪牙緋

小婦青谿學浣紗葭華並秀屨
薌斜山靈底事成惆悵咄咄書空木筆花

欲薦溪毛弔永夫

詩人張永夫墓在山麓

蹋青遊女印雙絢迴車莫

效王融歎好寫春山蠟展圖

朱勾龍爽有春山蠟展圖

過靈巖寺示巨文僧

杏花沽酒路明滅侶揚微雙燕迎風小
千家擁綠肥冥求鍼孔理鬧觸箭鋒機
拈得紅心草悟宮春夢非

虎邱

稚兒墻下鶯如語短簿祠邊柳似絲人倚畫樓拈翠管天
開明鏡鬪蛾眉朱輪花送劉賓客燕寢香分韋左司雁齒
紅闌橋四百客來惆悵玉鸞吹

頗憶蘭香送鈿車自將元髮祝蒼華柳分眉月雙枝艸花
壓鬢雲六扇紗紫陌休逢珠絡鼓紅塵強蹋繡床鞞歸來
掩戶工愁甚欲捻琴書付酒家

館舍遣懷

塵機何日貸雞竿骭髀門邊側注冠飲酒自來尊暑濕賣
文幾許筆長乾枯魚未識江湖樂窮鳥誰言天地寬又見
殘春隨逝水莫辭把火牡丹看

格是生平比四雖一年孤負牡丹時關心好句旋忘失可
語同人總別離老去拚如蠶作繭生前設要豹畱皮綠陰
匝匝春光晚猶有飛花入研池

立夏日小飲

尋春悵已遲東風敗人意天高奈此情商畧付一醉貧難
具皮囊恩婦脫半臂餽致櫻筍饌體出餅餌相對送斜
陽相憐倚薄袂燕語多傍簷花飛不到地如何杜宇心一
刻春難繫終古怨芳魂無處洒清淚憶昔賦遠遊極浦含
愁思風雨一宵深岷岷空凝睇碧雲望江南何處雙眉翠
此際餞韶光心情作何味及茲幸比肩把酒宜自慰神全

觀我生形格求自試之子種蕙蘭勗哉保芳歲

傷春絕句

欲將幽恨卜琵琶練帶交飛日又斜一逕新苔綠如許可憐解語女郎花

飛花萬片逐東風愁絕新聲感小叢泣向黃昏玉階下試將清淚抵殘紅

愁雲曹澤自茫茫欲跨紅鱗水氣涼一曲朗陵花未歇清波如帔月如璫

綵旛猶祭主林神蹀躞斑駁碎玉塵幽夢未成鶉鴉喚幾能強起送殘春

初夏登樓寄錢大

香冷鐙殘到夜分
小樓吹笛自氤氲
坐窺潭月情如水
臥掩屏山夢作雲
與世周旋寧識我
此心鄙客輒思君
孔賓豈待人呼去
已欲流連魚鳥羣

清宵睡破晚甘侯
歎息吾迂淹此畱
深窵茶蘼明月夢
遠林鷓鴣暮煙愁
豪情誰作王當代
佳句多慚趙倚樓
不擬唐文卜奇中
此生那望錫金鉤

移寓齋偶成

暫來休夏拂輕塵
襪被囊衣自趁身
乞食每多經宿戀
立錫已歎隔年貧
松嫌寂寞吟風遠
竹報平安挹露新
萬卷

擁書元不惡病魔何事又撩人

題李長吉集

刺促男兒志多慙奉禮郎生前笑元稹死後憫韋莊玉版
新宮去龍材昌谷荒獐郎真鹵莽輕詆雁門行

同徐茂才

葵

陸布衣

門

飲桃花橋酒樓醉歌

天涯芳草憐青袍春江綠波滴小槽有口安能但飲酒有
手焉得勤持螯塊磊蹇產盈癡腹祇除無奈愁將牢江湖
放浪有老鐵握手一笑真吾曹徐郎脫帽頗小異苦吟奮
颯凋鬢毛清光相映梅葉閣軟塵共蹋桃花橋但日禰衡
有規檢豈知磊落皆詩豪胡床羅列真率會奔走客作紛

煎熬長罍唧唧牆下泣俠氣不禁精兵廩枯腸瞥若決渠
溜豎義騁辨何滔滔經史紛綸素積貯如出竹木裝千艘
剗帆滄溟寄一快那顧谿澗浮舸艚蠟淚成堆未欲追仰
眠星月當空高執爵睢盱復跛踣亡所訾省意自諂吾儕
法性異獠獠俗人詈口如山膏常思騰身跨汗漫不爾才
鬼堪同敖思此狂態固有幾神鋒太儁非鉛刀如彼人才
已令僕胡爲四壁嗟蕭騷食羊錢能月支取相覓沽酒誠
樂陶從今相逢莫稱貓幸不飢虎須鈎鼈

疊前韻寄徐葵

座中誰工鬱輪袍綠巾何惜操檀槽年華荏苒修蛇尾世

味摘剔空蟹螯挾策携蒲固等耳亡羊之後思補牢那有
樂事尋詩酒比宜料理居馬曹但恐頭顱鮮蒜髮未夢足
踝垂修毛友朋感召持意氣笑呼天畔飛銀橋把杯一洗
風塵色相看猶是元龍豪預知良會不可再造物所忌心
焦熬不識栢鐺自俗眼糟邱拔幟疾鬪麀錢鳳何人共溫
嶠袁宏此志羞伏滔興酣起作栢枰舞未至羊侃燒連艘
書生自笑窮家活不須重物迤輕舸直當嘯詠風濤上氣
吞溟渤星辰高神山匪遠幸可卽迴瞰下土多淫諂倒挽
銀河作一醉惟天狂態諳相遭可憐嵒屋但鬱鬱燈檠黯
淡焚絺膏草龍木羊作癡想赤明何日遊盧敖詩語瓌奇

嘲萬類臯誠可殺封歐刀眼光所出牛背上堪飲美酒歌
離騷常羨徐公處通介鴟夷滑稽猶舊陶故實莫夸能記
貓險韻鎮紙山戴鰲

讀北周書

使君簫鼓入平涼鼎足三分勢已張試問何如賀拔岳
強亦作黠頭王

非貉非狐齧斷根避湯入火謾圖存柳蚪他日書青簡可
獨人臣賀六渾

沙苑潼關料敵先老熊當道復回鞭高王顛倒英雄手翻
被挪揄一郭賢

負氣矜功噲伍羞欲成門戶豈良謀兒曹刺舌深相戒又
與高公共斫頭

督將何如俊父招江東文物望風遙偏知蘇綽真奇士臥
對屏風誦六條

方駕齊驅四后車外閒樂事未能如堪憐奉作黃皇主應
悔宮中改詔書

一領錦袍記淚痕明駝相送阿摩敦稱觴上壽須與事不
到悲呼瓠破門

惜爾不殺王胡布反間東朝韋孝寬但使高山摧破後堪
畱明月照長安

乞命西鄰作圉庸甘同百獸舞時讎新朝執手徒虛語旋
見蕭琮莒國封

讀梁書

郢城毛人踰堞哭鳳度三橋黃麗縛龍行虎步非常人三
十侍中意猶薄馳兩空函得一州當年意氣矜無儔卻憐
老作中原夢破壞金甌滿目愁

檀溪竹木喪千艘大盾數百環周遭英雄豈止救死計呼
吸智勇如奔濤何況酒酣星下語離席鄧晨已和許令君
俛首受金甌不負蕭鸞一坏土

朝廷無福景不死折箠難答誰料此晉安舉措笑千年南

岸援軍應敕止有梁正士命如何曲項琵琶作挽歌一家
難替蒼生厄誤國無如朱彥和

北顧亭邊傳反氣移檄誰知無下意一門之內極兵威家
國去矣堪流涕七官文士幸收功卻結西鄰棄故宮讀書
萬卷知何用香火因緣泣向東

荆山爲上浮山下長虹臥波來走馬杵聲震動蛟龍宮搜
剔木石山童童惡風鼓浪支祈怒倒卷沿隄十萬戶君王
然香復懺罪不使冤魂淪孽海

謳歌已在行中水懷中詔書出一紙壽光閣外莫徘徊引
手向左望不乖署名當日無書聖

王

赤章卻笑隱侯病猶

有前朝老伎師能識東宮舊家令

禮樂衣冠推正朔重雲聽講士林學自以浮屠飾太平五
經經義空揚推肯事深陳有賀琛謾將要腹驗勞心東宮
復尚元虛習無怪神州至陸沈

王質退軍庾信走韋粲何情更飲酒不量彼非禦侮才青
塘力戰悲傳首登壇何者稱都督蔑棄君親甘屈辱欲知

梁代有忠臣姚察贊語但數一門登鬼錄

兔頭蝦蟆壓城壕擢手鵬舟復千般功名豈數趙伯超逆
賊皮囊盛子逃江陵已陷貞陽至反使司空假大義當年
無故遣王琳忖彼與官爭爲帝

立秋日小集簡徐淡如

一笑鯨魚共出遊
鳳條引露拂銀鉤
書傳數卷堪爭命
酒到三升也壓愁
垂柳天涯曾送客
暗蛩鏡下已迎秋
君看銀漢終清淺
未許乘查問斗牛

朝來折簡至丹砂
揮塵籛條日易斜
飄泊虛舟愁似海
遲回仙枕夢爲家
望塵肯作方三掾
行卷空爭溫八叉
誰遣詩情感秋氣
繞林三匝歎生涯

寄內

夏衣那得埭詩筒
紫鳳天吳裋褐中
豈有文章驚瘴鬼
謾將骨命恨尸蟲
鑪香燭淚堂前夢
帽影鞭絲陌上風
閑殺

張郎畫眉手只教結眊遺愁衷

遣興

生衣絳綵怯秋風露坐檐牙月似弓三徑多荒憎鞠虎一枝難借歎桃蟲應添冷眼卿慙長莫信剛腸佛佞公俯仰此身如湛輩可憐徒手困英雄

詩家爲梁溪賈布衣作

文章體勢不可極如天青蒼谷深黑梁谿文獻接千年山水清音是詩國幾輩娜嬛福地人新篇競向龍梭織心血谿提漚已枯一朝寂寞那拋得晴沙先生東林主主持風雅勤搜取千子佛名驚燕題一車鬼簿謨觴數仙官欲奪

恹逡巡。鐙光如豆。詩魂苦郊寒。島瘦總取材。墨花洒處飄。
香雨金薤琳琅。畧糟粕。賈生裒此猶應哭。匹如退筆可歸。
休莫似古書復流落。時亮之窟。關四隅。巫師大招野返虞。
雖無光氣照東壁。猶令芝菌蒸幽墟。光怪文心原不死。夜。
夢衣冠出故紙。一坏仿佛鮑家墳。鬼唱寒星宿草裏。遂使。
吾儕一破顏。箸書盈尺期歸此。賈子聲名動日邊。江湖尚。
爰置三編。賈有第五倫譜相從梧茗磨山下。宰木斜陽弔響泉。
沙先生已歿

初冬遊靈崑過畢尚書園林二首

閉戶無外營。亦覺冬日永。好山似延佇。良知同造請。雲深

辨樵蘇露寒絕蟬黽翠壁酣新霜丹林媚韶景凝睇自含
情美人何寂靜花宮香夢殘鏡檻玉波冷峰黛溼蘿煙佛
髻明鐙影悵然望錦帆邈矣窺睂井莫問蔚藍天試越招
提境

一徑穿雲來夕陽明花隴迴瞰翠微巔嵐氣聳脣宇秋聲
愴深院晚香媚老圃茈蘆度蘭阪漂眇當桂戶白沙聚若
雪長松碎含雨征雁時一行晚炊自千縷石鏡掃纖眉寒
煙澹細語鶴夢冷吳山蘭心泣胥浦秋水隔娟娟風月久
無主

登樓用陳二韻

謾乞人間贖釣船
闌干百尺瞰林巔
字明屋角堪成諾
詩聽茶聲卻得連
川段成式事
貧女生涯一鐙下
騷人心事九秋前
縈青繚白諸天遠
一箇風旛破晚烟

寄華二

隻堠誰歌穆護沙
橈頭船見下魚叉
淺深紅葉揚州路
凋盡秋江湖目花

亂山明滅酒旗斜
欲插茱萸感歲華
一夜詩魂驚落葉
覺來殘月下窗紗

疊前韻

歸雁初經破訥沙
畫簾慵展玉雅叉
黃昏客散廉纖雨
落

盡閒庭寒露花

寶瑟生塵屈戌斜闌干拍遍惜瑤華九張機下寒蛩苦夢
遶闌中韻字紗

簡徐淡如

故人虛誦握愁工

握愁詞見馬端臨經籍考

屈首鄉豪與郡崇自古人

才如置奕只今天道似張弓顏唐尚可三升酒落拓俱無

一畝官薄歲儺公要襁褓先生未許更畱窮

唐眉山集中有畱窮詩

展重陽同陳大

兆儲

王大

洲

飲敦好齋中醉歌戲贈

高林拉雜重陽雨秋嵐破碎紫雲補稻孫樓邊列岫俯打
頭黃葉空中舞蛭腹生涯何所主高陽酒徒相爾汝卻似

米顛逢賀鑄伸眉一笑橫天宇克敵能開牀子弩誰信書
生力如虎期君拔戟領僉楚歸乞小師侑樽俎使我他年
覓醉處或解登牀睨嚴武與酣百怪入腸肚有腹可奉掌
可拊兒童驚叫客排戶後來應是光孟祖不復敗人非俗
侶毋多酌我更狂語風廊蕭瑟面場圃芙蓉濯濯秋風苦
倒著接羅神無忤揮毫錯落珠璣吐手捫星辰粲可數不
覺白眼青天覩歸去橫眠寂更鼓明朝惜別悵南浦

題汪涵金一席安身圖

知君雅素傲元龍憔悴風塵索放慵五岳真形曾著腳九
州老氣謾填匈男兒墮地原非福飛鳥依人似可容三宿

忽忽寧暇暖橫山羨殺太平農

汪自號九峯山下太平農

南窮閩海北蕭關天似穹廬月一彎
少日釣遊輕白社暮年魂魄戀青山
一瓊未落偷兒手廣廈誰開寒士顏
卻把蚶蜊臺拂拭急衰帥後忒蕭閒

我亦栖遲百不能草萊無夢繞楓桡
半襦每許分江革重席誰當坐戴憑
霽色青山雙蠟屐秋痕紅樹一漁鐙
題詩索與羊何和主客圖中耐久朋

藥鑪經卷足安禪丈室猶存法喜緣
鋪地落花愁中酒撩人芳草夢含煙
且消清簟疎簾趣也穀殘杯冷炙憐
果否山貲囊橐就閉門卻埽自安便

題橫波夫人畫蘭

粉印脂香絕代人紅蘭大抵是前身
風枝嫋娜纖要舞妬殺當年馬守真

家法由來似仲姬麋九犀鎮露痕垂碧闌
干下曹陰甚未

著羊肝半臂時

有馬湘蘭題詩應是未歸合肥時所作

玉京流落白門愁斷素零紉誰與收
芳草美人原共命國香無價屬眉樓

季布紅粧最有情題詩敲斷玉釵聲
同心粉院聯羅帕也抵東南復社名

雨後卽事

一雨無乾處今朝埽宿氛鏡磨天卯色澣皺水韉紋
如圓夢歸雅欲碎雲曬書忙未了遙著趁斜曛

下釣尋谿爰知添水一篙官街嫋柳綫老圃摘葱袍樹杪
生煙直簾鉤送日高舉家愁食粥那許醉醅醕

題徐待詔室吳夫人寫韻樓集

卸閣倚垂楊靈芸十里香點筆珊瑚格擁書璚瑁床日長
惟試茗窗曉乍臨妝代書葛小玉問字謝三孃比肩有玉
樹攜手聯瑤章

一夜梨花里鶯聲送好春春風吹麗句唱遍采香人筆花
紅雨潤書葉綠蕉新但織龍梭字不解翠睂顰他日常璫

志大雅當扶輪

汾水湖邊路煖煙長玉芝桃花泛流水片片衍波詞種得
三花樹抽將五色絲綵箋寫魚子麋丸研兔枝從知鄭家
婢皆習毛公詩

秋日同汪剛身遊姑蘇山越紫石埭自走馬塘歸二
首

霽色快清佳秋山如有約掩戶工言愁散策聊行樂輕霏
暖陽林涼颼動陰壑征鴻激清響歸雲繚絕嶢言從姑蘇
臺徑度純陽閣研材委不收詩思紛誰託野花擢晚秀山
泉洞清酌之子具勝情相遭淡與泊尚戴遠遊冠風塵遡

京洛何日結寒山文身共采藥

空山舞黃葉羈客驚秋心天末歛陰靄林端散高礎卻望
走狗塘斜陽掠歸禽邨煙向晚急草露染秋深霞舉豈不
樂可惜判離襟坐擁寒蛩褥獨撫焦桐琴君理京口櫂故
山夢應尋倘寫鵝谿絹萬疊烟嵐侵分我一壑秋伴我滄
浪吟

題羅昭諫集

誤他無兒又無名流落江東已半生莫怪感恩雙淚落此
才憔悴望河清

龍尾燒殘國已墟上書討賊竟何如是間解殺吳仁璧休

刺西湖使宅魚

夜坐

上弦月似水犀梳思接良朋讀異書
生意婆娑醋心樹才名眇小達頭魚
枕函入夜蟲聲碎花當經秋蜨影疎
堪作尚書都令史相逢只揖道旁驢

冬日同廖

文錦

遊米堆山得勁韻

貪與白雲接不知山路寬寒葉脫無聲朔風來有令徑微

屐齒輭

輭材屐見晉書帝紀

霜重衣稜勁同儕聯襪招山僧出林詞

浮嵐清若空流泉仄復正步危山磴尋坐喜繩床併苔岑
脊遐眇蘚壁契前聘瓏玲架屋偏櫺櫺當窗清冬心抱芳

非古歡結清靜章就應呈佛茶宴不中聖松釵山髻墮石
屏花豔偵魚笏竹叶疎蔓菁菜甲咸嘗聞淡天機因之寬
澹性拂袖山花鮮倚杖林霏靚單椒夕照隕秀澤遠颿輕
率正切足繭愁犂确寺幽幸造請談思道南張隱偕谷口鄭
茲遊不可忘染翰題名姓

題沈上舍懷雲亭

懷雲亭子古觴詠最風流簾影斜當午苔痕闌換秋遠山
通倚郭嘉樹欲藏樓便得濠梁趣儵魚正出遊

把臂同芳醕題襟共縹囊鷓鴣將葉影蛺蝶帶花香石古
生雲煥池寬浸月涼薰爐添小炷相對送斜陽

題僧壁二首

小雪散遙林老圃香微逗山空翠禽語月影窗前瘦
峯高不可捫樵斧雲中響斜陽落磻西笠影蒼苔上

中秋風雨聯句

良晤月圓皆潮滹劃短楫

欽韓

况有遊山約相逢素心愜

嘉定廖文錦

竟爲信宿謀雞黍情欸浹

欽韓

曲撓難翫膏

虛庭脫蠹葉

文錦

聲戰宵炕叢影弄句羸莢

欽韓

玉宇想

高寒天門望焯燿

文錦

盈虛感醒魂陰晴驚夢魘

欽韓

印

海孕珠胎沿廊濕錦屨

文錦

兌宮搜風姨畢宿犯雨妾

欽

韓

颯沓一枕間惜騰萬念攝

文錦

曉寒加臥被殘暑退搖

箴

欽韓

白波跳明珠黑雲埋短堞

文錦

高壘智保蟻鮮衣

癡敗蜨

欽韓

紅英低罨階丹棧落鏘壩

文錦

秋卉浸欲爛

踈林撼如惛

欽韓

檐瓦滴喧厓庭蕉舞拉攏

文錦

對景各

慘淡健步空蹀躞

欽韓

香稻熟紅蓮小鮮登烏鰲

文錦

枰

投沈遠鐘饒饒畢朝饒

欽韓

爐香添小炷書牀翻舊篋

文

錦

石炭調瓶笙粉蟬走雲笈

欽韓

角技及手談輪平轉心

懾

文錦

效名士捉麈呼童子佩鞢

欽韓

歌詩黃門忠論說

左師讐

文錦

賞心已闕闔旁睨漫偵僕

欽韓

頓忘淫雨阻

肯受煙霾壓

文錦

到晚張華鐙滿案陳杯櫟

欽韓

喝月月

不起舉觥觥能疊

文錦

酌醴更啐枳啜羹不用挾

欽韓

酒

鎗卷淥醺肉鼎飮乾牒文錦雲車詎可攀鵝管爲誰振欽

韓祇宜鑒酒兵搏戰羞三捷文錦癡腹觀朶頤雄心相長

蠶欽韓那廿拜下風不覺窺雙頰文錦汜人愁風鬢雲階

掩笑靨欽韓清影惜沈埋豪情借補貼文錦大杓向籃傾

半弦取牆帖欽韓掩戶聽沈沈墮懷望跼跼文錦秋水瞳

雙翦長叉紅一捻欽韓結璘幽期卜吳質愁鬢鑷文錦恍

惚桂宮遊襪鞋亂裙襪欽韓根觸鳳窠夢瓊瑜雜豔文

錦昔年客淮壩此景憶茗霅欽韓烏榜隔橫塘紅牙閒長

缺文錦華堂鳴珠佩廣坐衷羅襪欽韓篋舫悲琚璫囊衣

病苑磔文錦官燭風簾橫白袍棘門蠟欽韓比屋悽蛩吟

繚垣列虎櫺

文錦

羈情我爛漫文戰君踰躡

欽韓

健翮遲

扶搖行鞚肯疲茶

文錦

倦遊門獨掩居憂淚同裛

欽韓

叩

此共朝昏差足解愁懽

文錦

點筆倚闌干聯襪泛艚艖

欽

韓

春店賁新醞秋山把長袂

文錦

湖光駭吐吞雲容快轉

摺

欽韓

談清酒不渾句險意翻協

文錦

此情都蕭索寸衷

寧安帖

欽韓

可哀憶武夷有悟昧迦葉

文錦

路阻目乃瞪

籟作耳空聶

欽韓

燭跋嫌暘暎詩狂嗔嚅囁

文錦

林蕤哉

醜形巢雝恥疎隄

欽韓

樹火爍流星魅風墮黃蛺

文錦

明

眸泣瓊瑰銖衣綻紉縑

欽韓

姹女閼遙靚顧免郤善蹀

文

鋪幽懷絳紗封恨事綠章牒

欽韓

爲奉白玉盤直向重雲

簡文錦

天公忽相笑利口逞喋喋

欽韓

生涯伴寂寥清光

總歛歛

文錦

無分到長圓有情忍一霎

欽韓

終古耀激輝

牢憂多攢砌

文錦

每當馬首看忽忽縛袴褶

欽韓

或作屋

梁猜熒熒沾襦縵

文錦

雖洗碧海空那禁愁人接

欽韓

穹

廬望李尉執扇掩班婕

文錦

不如淡泊遭母令虛憍挾

欽

韓

光景恣流連無乃笑伉俠

文錦

虛室坐王潺慧地證劉

勰欽韓

生白止吉祥談元互敬敵

文錦

伊戚毋自貽得咎

易動輒

欽韓

海氛已漸清民星在所變

文錦

映灰尚團圞

掇梯休僂僂

欽韓

古鏡重摩挲初鉦待昱晔

文錦

瓜蔓水

瀾瀾羊角風獵獵

欽韓

陰翳埽吹藍明發同登涉

文錦

送褚孝廉

通經入都

幽草沿階日閉關，公非應自號劉攽。
借書還後猶餘味，乞米來時更厚顏。
夢破五更呼皓月，雨連三日洗秋山。
與君攜屐靈巖路，猶幸窮愁腰腳頑。

何事天涯欲跨鞍，選期秋末集長安。
柳當蕉萃江頭折，月正團圞馬上看。
傳世有心宜勸學，潛人無術莫求官。
最憐貢禹無田賣，老向空山戴鶻冠。

立秋後二日同吳玉松太史江鄭堂吾半客胡眉峯
石遠樸集淡如齋中

騎秋雨過度涼颼，商畧傾家薄醉宜。
已有車公稱雅集，每

勞韋丈誦新詩詞場冤氣澆杯酒春夢空花覆局碁莫把
三原比癡腹徐家肺與沈家脾

龍尾車歌

并序

龍尾車漑器也沈上舍培案泰西水法作之兩人關其
輪日漑一夫之田始試於埤地而利可以被天下若倣
古區田法以此車給水旱澇不憂穀入倍常豈不善乎
遂爲作歌

泰西水法明所傳有權可操雨師先四柯爲軸取諸圍八
繩埤臬眡其懸甲乙丙丁分星躔削竹爲柱牆細編斜行
幘爾迤中邊參分軸二繩攄縵餘令水溝相洞浚水行屈

曲入耳颯性欲就下忽已遷信其軸圍合中權版以錮水
必積堅用長之防鐵篆旃樞重三鋒兩端平中分過綫無
少偏度岸角亢架檣聯鼉牖陽馬勾股弦兩輪差次用櫓
連下輪爲尻承以肩服見日月左右旋爲物有六漑器全
甌窶連臂援飲泉汙邪臥波龍躍淵丁男嬉若蹋浪然一
吸可盡萬夫川旱入澇出功不專漢魁潰沸逮園廛翻車
渴烏徒羨羨課最豈獨效宮塽要令天下蒙安便烏虜是
在牧守賢三千七百區陌阡五耕五耨室突塹辨土審時
三盜捐此車趣澤常豐年可惜我無負郭田

題徐

葵

蒲團拈句圖

廿載詩名筆有神黃芝不蹋輒紅塵蒲團只是閒滋味豈
了花天酒地身

娜嬛福地更陳芳愁劇年來五穀囊學喫山厨瓊路粥消
君詩句得枯腸

閉門不學陳無已好友同舟便訪僧夢裏石泉槐火句長
明燈是讀書燈

日午茶烟裊鬢絲比宅官韻押來遲可知一字吟安後畧
似高僧出定時

鮑貞女詩

并序

貞女光州固始人幼字董氏待年會大祿轉鬻於沈觀

察家爲婢久而無所歸矢不復嫁觀察憐其志亦弗強
今年已四十餘雙鬟垂頸給使甚謹不以貧窮易其志
始則矜以節終則立以義是可尚已觀察子培乞詩以
寵之

蒙鳩失其巢雌雄各西東來日大難歸路遇絕不可憑

符風

一切其因風訊鄉里不逢播摺郎但見雄兔撲朔雌雄黃

蒿蒙密上大牆

其二

下九浴蘭日媒者致綢繆生死郎未卜

日月忽云除貞女默無言淚落如貫珠

其三

主人大憐職許

誓滄浪天但爲傳婢哺郎健不使卷衣秦王前

其四

身今四

十垂亂髮臂不係琅玕琥珀龍亦無崑山潤毛之玉撥惟

有約指環是家下定物

其五

憶昔背尊章門前指流水流水

有西歸古井波瀾深不起

其六

曲歌女貞木心同卷施草沒

期魂魄無不之生各天涯戢影老

其七

清明日遊支硎遇雨飯舟中遂上靈巖夜入香山

衣香鬢影動林泉不定陰晴百五天拾翠前山夢行雨分
勝小市飯谿煙風鈴自答生香屨松蓋誰停軟玉鞭卻望
五湖雲水闊倚篷詩思滿歸舩

霪雨稍止柳翁招集書齋醉賦一絕畱別

糟牀滴酒亂檐聲一夕酣歌喝月行陌上花開歸去好趁
扶殘醉聽黃鶯

送吳太史雲服闋還館四首

老氏藏書所道家蓬萊山先生富學殖氣凌壘董間三年
居東觀撰述不可刪春暉不相假流涕風木攀一卷紀行
詩紙上有餘潛諸老多勗念著作望早還酒酣濡大筆草
敕開天顏新霜脫木葉車馬發吳關自惟雲泥隔身無半
通綸顧視真登仙揮手離塵寰屈指當元會鵠立蛾眉班
公居文章職更爲風雅主流俗如頽波砥柱賴撐拄何人
據壇坫跌宕破規矩號召輕薄徒儼然立門戶野狐假色
笑祇巫媼歌舞氣焰有時熄流毒已中蠱紛紛噉名客偃
僂出塵土百卷書未讀千秋業自詡忸怩懷行卷齷齪廁

門簿譬諸造明器何可近簋簠公其升高座一喝震聾瞽
京師人海中奇材會接武

散材在深山亦恐燎野火孤生常自嗟墮地卽轍軻竊幸
全大璞周旋仍是我殘梧冷炙間撫腹不取果雅辱大君
子拂拭及磊砢或是憐其窮引手置帖安舉以告衆人呀
口無一可妄庸何足數高明慙負荷廟廊與畎畝寄迹終
相左顏色慘於秋千旌遞旃旒媿非張季鷹不獲隨輕舸
聖明握金鏡四海歌康衢獨茲秦蜀間小醜稽天誅中夜
坐歎息齟齬自笑愚不如一健兒執戈效前驅久令三方
人芻粟困輓輸先生歸玉堂論思勿面諛直言衆或怨朴

忠帝自俞古來儒臣職豈辦爲貞符況今數元老若五星
連珠何如請前席嶽嶽陳英圖指揮鐵如意談笑吞賊廷
釋默可嘗以趙高邑鐵如意爲贈欲明心捧日當令膽滿軀賤子居草野
想望無時無

重九登靈巖山

著屐猶勝著鞵鞢不容愁裏過重陽菰蘆有土山同瘦羅
綺無人士自香茶臼寺樓敲落日酒旗邨店舞新霜卻呼
月魄隨歸徑更送鍾聲到野塘

歲暮葉大廖二自香山邀予泛舟石湖登楞伽山拈
有韻成六百字卽送其歸里

細雨作泥塗尖風欺破牖夜雨一鐙侵曉夢重衾誘敲門
到榜人褰裳同好友望晴或聳肩促裝猶搜肘日落山欲
埋水枯舟不受促坐衣誤牽紆行篙苦揉市火淡如星村
醪劣於漚方伸三尺喙不縮五斤手先生東家邱弟子齊
人丑脫韞真欲殼解冠幾可洩此際舞杯杓一笑脫枷杻
胥口宿畱宜湖漚跌宕久束濕聊舉爨分熟不嫌膺薄醉
已傾盃高歌亦擊缶有廟壓怒濤綠垣背高阜
伍相祠夾道
松楸長到門神鬼醜樹恩遭扶目乞靈謹頰首拔劔何敢
指投琰寧應否萬頃洗酸寒千年笑枯朽黷脂山見跋擊
柝歸遇輶停橈香水旁杖策橫山右野園竹樹交荒徑狐

兔瓜

葉橫山先生
二弄草堂

清霜羃芒屨敗葉颺敝帚澗草被芷蘭

山石雜瓊玖層久礪階硬古苔齧車轅眉邊好山長杯底

徵湖瀏薑鹽雜煎茶擣熬共飯糗祇端大月草難折殘秋

柳轉眼忽寥落捫心誰老壽臥虎想潭潭離鴻傷悵悵使

臣甘雪甌英主勤獮搜豈知田園興不使禮樂負

石湖別墅今太

守某公重構候壁十餘碑
乃石湖手書田園雜興詩

精藍架萃律曲墜勢蚴蟉不見

海生潮但怯杵投日飛烟裊薜蘿浮沫跳鰕鱗靈虵挽佛

髻幽鳥吐仙綬遙聽楞伽山鐘聲殷弁琇遂越治平寺湖

光泛星鬢四山張鬣雞獨樹戰颼颼枯菱鋪繭滓怪石蹲

印鉏鈴語答巢鵲泉穴竄蒼颯僧數僅三三佛火消九九

古錐蕭幡幢明神潔尊卣象教固難變淫祀不宜有五郎
鮮袍笏一嫗陳鏡紐判羊儼用享積蠲以爲禎真同野廐
悲回憶姣人慟姑蘇指飛鳥臺榭悵遊磨歸路數帆幅平
岡勒馬紂探奇每賈勇嗜醉動得咎願畱十日飲寧羨連
城守窮鬼計最急山賊名何忸結綬未半通讀書誰二酉
人情堪荷荷山色慙負負好詩愁欲釀清福貧難狃獻歲
期探梅早春可薦韭槃飡未遺母宋史歐陽守道傳里人聘爲子弟師主人矚其
每食舍肉密歸遺母壺觴好謀婦一事君勿忘滴紅强名酒舟中酒不可
飲醕燒春所漬楊梅和之余因戲名滴紅

落花四首

玉釵敲斷下簾旌一抹春痕悵碧城細雨連階和響屣午
風隔院點空杵珠塵舞罷疑嬌喘金粉妝殘尚宿醒韻字
窗紗心字篆亂紅幾撇未分明

洞簫聲歇翠睂愁蔽蔽殘紅千尺投匝地烟濃鶯語碎下
山風急馬蹏柔有情壓住斜陽尾無賴驚回短夢頭從古
綠珠遺恨在曲瓊小響怯高樓

半卷牆陰半入池新苔禁受碧波知賣花深巷金鈴小門
草芳園玉漏遲撲蜨風輕仄影扇迴身香重吸華絲閒拋
紅豆調鸚鵡粉絮初團擁淚時

繡床坐久唾紅絨腸斷釵聲玉色中春夢無心殘月墮香

魂有迹曉雲空山闌撲蝶還成隙小苑啣鶯不一叢莫向
百花洲上望雨絲渾與淚痕融

飛絮四首

非花還作似花看斜入妝樓笑鏡驚燕子乍衝香霧濕美
人初逗夾衣寒東風蘊藉猶能受淡月朦朧已不瞞莫僅
承豐坊裏佳離魂倩爾逐征鞍

看朱成碧盼空閨轉綠迴黃罨大隄偶弄淡晴筵作粉若
黏小雨釀成泥香浮珠簾收么鳳夢遶銀牆唱碧雞心上
眉頭總有恨鞦韆架外畫樓西

麴塵風卷暗青門帽影鞭絲共斷魂撲水煙消迷夕照闌

歌花落淡黃昏。霽來蝶粉全無迹。點上鴉黃。始有痕作出。
離人千點淚。春寒繡被試溫燉。

捫遍闌干玉一梭。風吹池皺綠萍多。慵拈斑管。婁羅歷愁。
入征衫。企喻歌。春色三分勞遠夢。晴絲百丈轉橫波。小蠻
未改。要支紉。流落天涯喚奈何。